


古320  
5442  
:25

100

844


37



商三夔卣




商三夔卣



右通蓋高五寸四分深二寸八分口徑長四寸七分闊二寸二分容一升共重一斤十有一兩有流有螯圈足無銘通體作夔象而蓋紋隱起者有三蜿蜒夭矯如得風雲之狀復螭其螯觀其製作頗類鳳匹故宜類之於商也

周父癸匹





爵方父癸


右高四寸五分深二寸九分口徑長五寸闊  
 二寸六分容九合重一斤三兩有流有鑿闕  
 蓋圈足銘四字曰爵方父癸按周之君臣其  
 有癸號者惟齊之四世癸公慈母也太公呂  
 望實封于齊其子曰丁公伋伋之子曰乙公  
 得得之子曰癸公慈母慈母之子曰哀公臣  
 然則作是器也其在哀公之時歟故銘父癸  
 者此也昔之匪通用於人神此銘父癸則其

博古圖錄


卷三

十九

祭祀宗廟之器耶此匜也而銘有曰爵者豈  
詩所謂洗爵奠斝之意歟方事洗盥則不可  
無匜爾



周司寇匜






作司寇彝周建  
用歸維之百僚  
之四方永之祐福

右高一寸四分深七分口徑長二寸五分闊  
一寸一分容一合重二兩二錢有流有鑿四  
足銘二十字曰作司寇彝按周官大司寇之  
職掌建邦之六典以佐五刑邦國詰四方小  
司寇之職掌外朝之政以致萬民而詢焉則  
司寇在周官蓋有大小之異是器銘文曰維  
之百僚則非大司寇不足以當是語也然而  
是匱非他匱之比正如漢金銀錯鼎小而

適於用豈匪亦固如鼎彝之有別耶特書傳  
不見其所攷爾要之有是理也





周文姬匜




器

盞



析子孫

丙寅子錫龜貝  
用作文姬已寶  
彝十一月有三



右通蓋高一尺一寸二分深四寸五分口徑  
長八寸三分闊四寸一分容四升共重六斤  
十有一兩有流有鑿四足器與鑿銘共二十  
一字初曰丙寅紀其時也次曰錫龜貝作文  
姬寶彝著其名也通體作犀兕之形鑿亦如  
之飾以雲雷之紋宛轉盤繞於其上已足貴  
矣至於字畫仍復竒古宜比於周

周義母匜





仲姑義母作  
旅匝其萬年  
子孫永寶用

石高六寸深三寸六分口徑長九寸七分闊  
六寸一分容四升重四斤九兩有流有鑿四  
足銘一十七字按國語晉公子重耳過秦穆


公歸女五人懷嬴與焉公子使奉匝沃盥既  
而揮之韋昭以謂嫡入于室媵御奉匝盥是  
器銘曰仲吉義母作旅匝者蓋晉文公重耳  
娶齊女姜為正嫡次杜祁次偁吉次季隗然  
杜祁以吉生襄公故翼而上之居第二是為  
仲吉以隗在狄所娶故翼而已次之是為季  
隗而祁自居第四昔趙孟嘗曰母義子愛足  
以威民則義母者杜祁也禮曰銘者自名以

稱揚其先祖之美則所謂仲吉者自名也義  
母者襄公謂杜祁也按通禮義纂以謂媵御  
交盥蓋媵送女之後者御壻之後者夫婦禮  
始相接庶耻有間故媵御交相為殊以通其  
志彼其婚姻歟此稱義母則非初嫁之時有  
子職在焉故也稱旅匹則非交盥所用特其  
匹之不一耳

周孟皇父匹




右高五寸五分深二寸七分口徑長八寸闊  
四寸一分容二升重三斤二兩有流有鑿四  
足銘六字曰孟皇父作旅匜昔魯桓公之後  
析為三族有仲孫牀孫季孫焉仲孫於三桓  
氏為長乃曰孟氏此孟族所由出也是則孟  
乃仲孫之氏而姓則姬也詩十月之父曰皇  
父卿士而釋者謂皇父字也然則此曰皇父  
亦其孟之字歟曰作旅匜則又言非止一器




孟皇父  
作旅匜

所以御賓客供盥濯者宜非一爾



周螭首卮



右高一寸九分深一寸口徑長三寸五分闊  
 二寸容二合重六兩二錢有流有鑿三足無  
 銘匝也大小雖殊而其制則同前一器鑿作  
 螭首四足股間復飾以獸狀後一器甚小而  
 鑿亦狀螭口齧其器純緣下環以雷篆紋鏤  
 之工若甚拙而後世所不能及寔周一時物  
 也

亦政堂重修宣和博古圖錄卷第二十一

亦政堂重修宣和博古圖錄卷第二十一

匝二十七器

周 五器


矩伯匝 銘一十二字

季姬匝 銘四字

徧地雷紋匝

夔匝

牛足匝



漢 二器

注水匜 銘二十二字

螭匜

匜盤 二器

周

楚姬匜盤 銘一十七字

魯正妹匜盤 銘一十八字

洗 六器

周 三器

七星洗

負龜洗

龜魚洗

漢 三器

陽嘉洗 銘六字

蟠夔洗

雙魚洗

盆 一器

漢

獸耳盆

銷 一器

漢

梁山銷 銘一十五字



杆 二器

周 一器


季姜杆 銘一十七字

漢

挈杆



周 矩 伯 匜






其子孫永寶用

右高四寸三分深二寸八分口徑長八寸闊四寸五分容二升一合重二斤十有四兩有流有鑿四足銘十有二字曰鉅伯者恐其姓與謚也然有鉅仲作寶簠則又知鉅之一族爾此稱伯彼稱仲昆季之序也

周季姬匱






季姬作匱

右高五寸一分深二寸七分口徑長七寸三分闊四寸一分容一升五合重二斤三兩有流有螯四足銘四字昔晉文公重耳母曰季姬齊悼公娶季康子之妹亦曰季姬而文公母乃翟狐氏女太史公嘗以狐季姬稱之則此曰季姬者必有一於斯焉是匱盥器也易謂盥而不薦則潔以致誠而已奉祭祀者夫人之職此以季姬自銘蓋其職歟

周編地雷紋匝




博古圖錄 卷十一  
右高四寸五分深二寸六分口徑長五寸闊  
三寸容八合重一斤十有二兩有流有鑿闕  
蓋圈足無銘是器通作夔狀色如精金但下  
有翅足其首背在蓋而亾之其體間復作雷  
紋間以小夔攷其制度非周不能為也

周夔卮




博古圖錄  
卷十一  
右通蓋高六寸深二寸八分口徑長四寸八分闊二寸三分重二斤四兩有流有鑿無銘是器通體飾以夔紋蓋亦如之製作華藻大槩與周祖戊匜形制相近但闕其銘耳

周牛只匜





博古圖錄 卷十一  
右高四寸三分深二寸九分口徑長九寸四分闊五寸容三升四合重三斤九兩有流有  
鑿四足無銘是器以牛首為鑿易曰坤為牛  
牛地類故其足斤以地之數偶而不奇馬天  
類故其足圜以天之形圜而不方今其足牛  
也斤而偶方而不圜乃知莫不有法象耳匱  
盥潔之器將以達其誠是亦若郊牛繭栗以  
將其誠而已

漢注水匱





右高一寸二分深一寸一分口徑三寸容三  
 合重五兩有流銘二十二字曰始建國元年  
 正月癸酉朔日制按漢新室當孺子嬰初始  
 元年戊辰十二月改為建國此言元年正月  
 則當是明年己巳歲制此器也此器形制如  
 盂而淺且其旁復出一流與匜略不相類迨  
 見其識文乃知匜也然所容三合其器特小  
 恐凡格間所用者耳




律斤衡蘭  
 注水匜容一升  
 始建國元年  
 正月癸酉  
 朔日制

漢螭匱




右高四寸三分深二寸四分口徑長八寸闊  
四寸九分容二升重二斤八兩有流有鑿四  
足無銘鑿飾以獸而有首足鱗爪如龍迺螭  
也匱盥手之器而所飾如此意亦有寓焉蓋  
螭為少仁多威之獸未審厥意果何在也

周楚姬匱盤




右高四寸五分深一寸八分口徑一尺四寸  
 三分耳高二寸二分闊二寸八分容一斗重  
 十七斤有半三足銘十有七字曰齊侯作楚  
 姬寶盤先是得楚姬匜其銘曰齊侯作楚姬  
 寶匜今復見其盤正一時物也故名之曰匜  
 盤焉按楚與齊從親在齊湣王之時所謂齊  
 侯則湣王也周室之末諸侯自王久矣銘其  
 器以侯稱之尚知止乎禮義彝器法度所自




齊侯作楚  
 姬寶盤其  
 萬年子孫  
 永保用

出故其銘如此



周魯正封匱盤





魯正其之  
宥作盤其  
○子孫  
永壽用之

右高二寸一分深一寸五分口徑一尺三寸  
耳高二寸闊二寸八分足徑九寸五分容八  
升三合重一十斤十兩銘十有八字曰魯正  
其作按魯周公所封自伯禽之國而蕃衍盛  
大為天下顯諸侯且號禮義之邦者以周公  
之聖風化所本餘膏腴馥澤後世而不竭故  
其世葉與周相為盛衰至戰國時而仲其季  
之氏族遂分其國然所謂正其雖不見於經

傳必魯之公族也

